

Na osnovu člana 51. alineja 7. Poslovnika općinskog vijeća Ilijaš («Službene novine Kantona Sarajevo», broj:32/05, 5/07 i 4/08) Komisija za statutarno-pravna pitanja na sjednici održanoj dana 29.juna 2009.godine utvrdila je prečišćeni tekst Statuta općine Ilijaš.

Prečišćeni tekst Statuta općine Ilijaš, obuhvata:

- Statut općine Ilijaš («Službene novine Kantona Sarajevo», broj 7/98)
- Odluku o izmjenama i dopunama Statuta općine Ilijaš («Službene novine Kantona Sarajevo», broj 9/01)
- Odluku o izmjeni Statuta općine Ilijaš («Službene novine Kantona Sarajevo», broj 17/04)
- Odluku o izmjeni Statuta općine Ilijaš («Službene novine Kantona Sarajevo», broj 14/08)
- Odluku o izmjenama i dopunama Statuta općine Ilijaš ("Službene novine Kantona Sarajevo", broj:14/09)

Broj: 01/1-02-799-4/2009.godine
Ilijaš, 29.juna 2009.godine

P r e d s j e d n i k
Komisije za statutano-pravna pitanja
Sefedin Suljević

S T A T U T OPĆINE ILIJAŠ (prečišćeni tekst)

I OSNOVNE ODREDBE

Član 1.

Ovim Statutom, u skladu sa ustavom i zakonom bliže se uređuju slijedeća pitanja:

- pravo na lokalnu samoupravu,
- ostvarivanje i zaštita ljudskih prava,
- samoupravni djelokrug općine,
- neposredno učestvovanje građana u odlučivanju,
- organi općine,
- mjesna samouprava,
- saradnja sa drugim općinama,
- imovina općine i finansiranje lokalne samouprave,
- propisi i druga opća akta,
- nadzor i zaštita lokalne samouprave,
- javnost rada i
- donošenje i promjena Statuta općine.

Član 2.

Pravo na lokalnu samoupravu obuhvata pravo građana da preko neposredno izabaranih organa učestvuju u vođenju javnih poslova, osiguravaju uslove za život i rad, i unapređuju zaštitu njihovih zajedničkih interesa.

Član 3.

Općina Ilijaš (u daljem tekstu: Općina) je jedinica lokalne samouprave u kojoj građani ostvaruju lokalnu samoupravu u poslovima utvrđenim ustavom, zakonom i ovim Statutom.

Član 4.

Općina je u sastavu Federacije Bosne i Hercegovine.

Područje općine, sa područjima općina Centar Sarajevo, Ilidža, Hadžići, Novi Grad Sarajevo, Novo Sarajevo, Stari Grad Sarajevo, Trnovo i Vogošća je u sastavu Kantona Sarajevo.

Član 5.

Granice općine utvrđene su federalnim zakonom i drugim federalnim propisima. Općinsko vijeće daje saglasnost na promjenu općinskih granica.

Član 6.

Općina Ilijaš obuhvata područja slijedećih naseljenih mjesta:

- Balbegovići, Banjer, Bokšići, Borak, Buljetovina, Bioča Gornja, Bioča Donja,
- Četojevići,
- Čemernica, Čemerno, Čifluk, Čevljanovići Donji, Čevljanovići Gornji,
- Dragoradi, Draževići, Donje Selo, Duboki Potok, Duševine,
- Ilijaš, Ilijaš Stari, Ivančići Donji, Ivančići Gornji,
- Košare, Klek, Kopošići, Korita Gornja, Korita Donja, Karačići, Kožlje, Kadarići, Karašnica, Krčevine, Krivajevići, Kamenica, Karaula Gornja, Karaula Donja, Kongorje,
- Gajine, Gajevi, Gojanovići,
- Han Karaula, Hadžići, Homar, Hodžići,
- Ladževići, Lipnik, Luka, Luka Donja, Luka Gornja,
- Lješevno, Ljubina, Ljubnići,
- Medojevići, Moševići, Malešići, Mrakovo, Mlini, Misoča Donja, Misoča Gornja,
- Nišići, Novo Naselje,
- Odžak, Ozren,
- Podlipnik, Popovići, Potok, Podlugovi,
- Rakova Noga, Ribarići,
- Sabanci, Salkanov Han, Solakovići, Srednje, Sudići, Stanovi, Stomorine, Stublina, Stupe, Sovrle,
- Šići,
- Taračin Do, Tisovik,
- Ulištovići,
- Velika Njiva, Velike Šume, Vilić, Visojevica, Višnjica, Vidotina, Vladajevići, Vlaškovo, Vrutci, Vukasovići, Vukinjača,
- Zlotege,
- Žerovanj.

Odluku o granicama naseljenih mjesta i promjenu granica naseljenih mjesta iz prethodnog stava donosi Općinsko vijeće.

Član 7.

Općina ima svojstvo pravnog lica.

Član 8.

Službeni naziv općine je Općina Ilijaš.

Sjedište općine je u Ilijašu, u ulici 126.Ilijaške brigade br.6.

Član 9.

Općina ima grb i zastavu, kao i druge simbole.

Član 10.

Općina ima pečat promjera 20 mm i 50 mm.

Sadržaj pečata, davanje odobrenja za izradu pečata, način vođenja evidencije o izdatim pečatima, način umnožavanja pečata i druga pitanja od značaja za izradu i korištenje pečata, utvrdit će se posebnom odlukom Općinskog vijeća.

Član 11.

U Općini će se pored zakonom utvrđenih značajnih datuma, posebnom odlukom utvrditi datumi koji su od značaja za općinu i način njihovog obilježavanja.

Član 12.

U Općini se kao priznanja mogu dodjeljivati: plakete, povelje, nagrade i pohvale.

Općinsko vijeće donosi odluku kojom se propisuje vrsta, izgled, broj, dodjela, učesnici i nosilac aktivnosti u postupku dodjele priznanja.

Procedura i uslovi za dodjelu priznanja propisuju se pravilnikom Općinskog vijeća.

Član 13.

U Općini su u ravnopravnoj upotrebi službeni jezici- bosanski, hrvatski i srpski jezik, kao i oba pisma – ćirilica i latinica.

Član 14.

Poslovi iz samoupravnog djelokruga općine i preneseni poslovi kantonalne uprave koji se obavljaju u Općini, finansiraju se kroz općinski budžet i budžet Kantona u skladu sa zakonom.

Član 15.

Općina ima pravo da u obavljanju svojih dužnosti međusobno saraduje sa drugim općinama, radi obavljanja poslova od zajedničkog interesa.

II ZAŠTITA LJUDSKIH PRAVA I OSNOVNIH SLOBODA I SARADNJA SA OMBUDSMENIMA

Član 16.

Općina će se zalagati da svi građani koji žive na njenom području ostvaruju ljudska prava i osnovne slobode utvrđene u odredbama člana II.A.1-7 Ustava Federacije Bosne i Hercegovine i međunarodnim instrumentima sadržanim u aneksu Ustava Federacije Bosne i Hercegovine.

Član 17.

Općinski organi vlasti, svaki u okviru svoje nadležnosti dužni su primjenjivati i poštovati prava i slobode građana, poduzimati potrebne mjere i aktivnosti u cilju osiguranja uslova za ostvarivanje i zaštitu prava i sloboda koja su utvrđena navedenim odredbama i propisima u prethodnom članu.

Član 18.

Radi zaštite ljudskih prava i sloboda i kontrole rada svih organa vlasti općine u ovoj oblasti, Općinsko vijeće obarazuje odgovarajuću komisiju.

Broj članova, način njihovog imenovanja, te nadležnosti komisije iz prethodnog stava utvrđuju se poslovníkom Općinskog vijeća.

Član 19.

Na zahtjev ombudsmena i njegovih zamjenika, radi prikupljanja informacija u cilju zaštite ljudskih prava i sloboda općinski organi vlasti i institucije koje imaju javna ovlaštenja dužni su dati potrebne informacije, dokumente i spise, omogućiti uvid u službena dokumenta, uključujući i tajne upravne spise zbog ispitivanja djelatnosti općinskih organa vlasti, institucija ili osoba koje negiraju ljudska prava i slobode.

Član 20.

Općinski organi vlasti, svaki u okviru svojih nadležnosti, dužni su saradivati sa međunarodnim promatračkim tijelima za ljudska prava osnovana za Bosnu i Hercegovinu i Federaciju Bosne i Hercegovine, kao sa nadzornim tijelima osnovanim instrumentima navedenim u aneksu Ustava Federacije Bosne i Hercegovine.

Član 21.

Općinski načelnik odgovoran je sa saradnju i omogućavanje ostvarivanja funkcije ombudsmena i međunarodnih nadzornih tijela u općini posebno za saradnju općinskih službi za upravu i općinskih institucija koje imaju javna ovlaštenja predviđena ustavom, zakonom i ovim Statutom.

III SAMOUPRAVNI DJELOKRUG OPĆINE

Član 22.

Općina je samostalna u odlučivanju u poslovima iz samoupravnog djelokruga, u skladu sa ustavom i zakonom, a podliježe nadzoru zakonitosti, koju obavljaju nadležni organi kantona.

Član 23.

Općina u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito slijedeće poslove:

1. osigurava uslove za poštivanje i zaštitu ljudskih prava i osnovnih sloboda, u skladu s ustavom,
2. osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu, zaštiti životinja i zaštiti bilja,
3. vodi urbanističko-stambenu politiku od značaja za općinu i njen razvoj,
4. upravlja općinskom imovinom,
5. obavlja komunalne i druge uslužne djelatnosti, te lokalne infrastrukture,
6. osigurava uslove rada lokalnih radio i TV stanica, u skladu sa zakonom,
7. vodi brigu o turističkim resursima općine,
8. osigurava korištenje i upravljanje lokalnim građevinskim zemljištem,
9. osigurava javni red i mir,
10. obavlja upravne poslove iz samoupravnog djelokruga Općine.

Obavljanje pojedinih poslova iz samoupravnog djelokruga može se, u skladu sa zakonom, povjeriti ustanovama, privrednim društvima, preduzećima, drugim pravnim licima i samostalnim privrednicima, osnovanim radi obavljanja javnih službi u općini.

IV NEPOSREDNO UČESTVOVANJE GRAĐANA U ODLUČIVANJU

Član 24.

Građani na teritoriji Općine, mogu neposredno da učestvuju u odlučivanju o lokalnim poslovima iz samoupravnog djelokruga Općine, referendumom, mjesnim zborom građana i građanskom inicijativom, u skladu sa zakonom i ovim Statutom.

1. Referendum

Član 25.

Općinsko vijeće može raspisati referendum radi odlučivanja građana o pitanjima iz djelokruga Općinskog vijeća, a naročito radi odlučivanja o prijedlogu o promjeni Statuta općine, o prijedlogu propisa ili drugog općeg akta koji se odnose na vitalna pitanja građana, kao i drugim pitanjima određenim zakonom i ovim Statutom.

Član 26.

Općinsko vijeće raspisuje referendum za cijelo područje Općine ili dio područja na prijedlog jedne trećine izabраниh članova Općinskog vijeća, općinskog načelnika ili jedne petine mjesnih zajednica.

Prijedlog za raspisivanje referenduma za dio područja Općine može dati najmanje 1/10 građana tog područja.

Član 27.

Općinsko vijeće je dužno raspraviti o svakom prijedlogu za raspisivanje referenduma u roku od 60 dana od dana podnošenja prijedloga.

Ako Općinsko vijeće ne prihvati prijedlog za raspisivanje referenduma, dužno je obrazložiti odbijanje prijedloga i obavjestiti predlagača.

Član 28.

Sprovođenjem referenduma rukovodi Komisija za sprovođenje referenduma i Odbor za sprovođenje glasanja na glasačkom mjestu.

Komisiju obrazuje Općinsko vijeće, a odbor obrazuje komisija.

Član 29.

Odluka o referendumu sprovedenom na području Općine ili dijelu područja Općine smatra se donesenom, ako se za nju izjasnila većina svih građana Općine ili većina građana dijela Općine za koji je raspisan referendum, a koji su upisani u opći birački spisak.

Član 30.

Odluka donesena na referendumu obavezna je za Općinsko vijeće i građane.

Općinsko vijeće se najmanje jedanput godišnje putem mjesnih zborova građana obavještava o ostvarivanju odluka donesenih na referendumu.

2. Mjesni zbor građana

Član 31.

Na mjesnom zboru građani mogu raspravljati o svim pitanjima iz samoupravnog djelokruga Općine, predlagati način rješavanja određenog pitanja, odnosno donošenja akta iz djelokruga Općinskog vijeća.

Općinsko vijeće može tražiti mišljenje od zbora građana mjesne zajednice o prijedlogu općeg akta ili drugog pitanja iz djelokruga Općine, kao i o drugim pitanjima određenim zakonom i Statutom općine.

3. Građanska inicijativa

Član 32.

O svakom pitanju iz djelokruga Općinskog vijeća može se pokrenuti rasprava putem građanske inicijative.

Član 33.

Općinsko vijeće dužno je razmotriti građansku inicijativu, ako je potpisom podrži najmanje deset posto birača upisanih u biračke spiskove Općine i o tom pitanju dati odgovor podnosiocima, najkasnije u roku od 60 dana od prijema građanske inicijative.

Član 34.

Općinsko vijeće će dostaviti pismenu odluku nosiocu građanske inicijative, odmah po njenom donošenju.

Član 35.

Općinski načelnik dužan je omogućiti građanima i pravnim licima podnošenje prigovora i pritužbi na svoj rad i rad službi za upravu Općine, kao i na nepravilan odnos zaposlenih kad im se obraćaju radi ostvarivanja svojih prava i interesa ili izvršenja svojih građanskih dužnosti.

Ako podnosilac prigovora, ne dobije odgovor ili bude nezadovoljan istim, ima pravo tražiti od Općinskog vijeća zauzimanje stava, koje ga je dužno pismeno izvjestiti o zauzetom stavu.

V ORGANI OPĆINE

Član 36.

Općinsko vijeće i općinski načelnik su organi vlasti u Općini koji svoju funkciju vrše u skladu sa ustavom, zakonom i Statutom.

1. Općinsko vijeće

Član 37.

Općinsko vijeće je predstavničko tijelo građana i Općine.

Član 38.

Općinsko vijeće je jednodomno tijelo sastavljeno od 25 (dvadesetpet) vijećnika. Vijećnici se biraju tajnim glasanjem na neposrednim izborima na cijelom području općine.

Mandat članova Općinskog vijeća traje četiri godine.

Član 39.

Vijećnike Općinskog vijeća biraju, na višestranačkim, slobodnim i demokratskim izborima birači, neposrednim i tajnim glasanjem, na teritoriji općine u skladu sa zakonom.

Svaki birač sa teritorije općine ima pravo glasati za bilo koju od registriranih stranaka i biti biran za općinskog vijećnika.

Član 40.

Svaka stranka će dobiti broj vijećničkih mjesta u Općinskom vijeću srazmjerno postotku osvojenih od ukupnog broja važećih glasova.

Član 41.

Ukoliko prestane mandat vijećniku prije isteka vremena na koje je izabran popunu upražnjenog mjesta vrši Centralna izborna komisija u skladu sa zakonom.

Član 42.

Općinsko vijeće prvi put se saziva najkasnije petnaest dana od dana objavljivanja izbornih rezultata.

Član 43.

Općinsko vijeće može raspravljati i odlučivati ako je na sjednici prisutna većina članova.

Općinsko vijeće donosi budžet, izvještaj o izvršenju budžeta, odluke, opće i pojedinačne akte većinom glasova izabраних općinskiх vijećnika.

Statut općine se donosi dvotrećinskom većinom glasova izabраних općinskiх vijećnika.

Član 44.

U ostvarivanju svojih funkcija u Općinskom vijeću, vijećnik ima prava i dužnosti, a naročito da:

1. prisustvuje sjednicama Općinskog vijeća i radnih tijela čiji je član i da učestvuje u njihovom radu i odlučivanju,

2. predlaže razmatranje određenih pitanja iz samoupravnog djelokruga Općine i djelokruga Općinskog vijeća,

3. traži obavještenja i podatke koji su mu potrebni radi vršenja njegove funkcije.

Bliže odredbe o pravima i dužnostima vijećnika regulisat će se poslovníkom Općinskog vijeća.

Član 45.

Članovi vijeća odgovaraju za ustanovnost i zakonitost akata koje Općinsko vijeće donosi u okviru svojih nadležnosti.

Član 46.

Unutrašnja organizacija i način rada Općinskog vijeća utvrđuju se poslovníkom u skladu sa zakonom i ovim Statutom.

Poslovník se donosi većinom glasova izabраних općinskiх vijećnika.

Član 47.

Općinsko vijeće tajnim glasanjem vrši izbor predsjedavajućeg i zamjenika predsjedavajućeg iz reda izabраних vijećnika, vodeći računa da predsjedavajući i općinski

načelnik nisu iz istog konstitutivnog naroda ili reda ostalih, ako je Općinsko vijeće višenacionalnog sastava.

Kandidate za izbor predsjedavajućeg i zamjenika predsjedavajućeg mogu predložiti, svaki vijećnik ili grupa vijećnika.

U svrhu izbora predsjedavajućeg i zamjenika predsjedavajućeg mogu se obavljati konsultacije između predstavnika političkih subjekata koji imaju svoje članove u Općinskom vijeću.

Komisija za izbor i imenovanja podnosi izvještaj sa prijedlogom kandidata za izbor predsjedavajućeg i njegovog zamjenika, u vezi sa stavom 2. i 3. ovog člana.

Član 48.

Postupak i način izbora predsjedavajućeg i zamjenika predsjedavajućeg općinskog vijeća, detaljno se uređuju Poslovníkom Općinskog vijeća Ilijaš.

Član 49.

Predsjedavajući zastupa općinsko vijeće i predsjedava sjednicama općinskog vijeća, a u njegovom odsustvu to čini zamjenik predsjedavajućeg što se bliže reguliše poslovníkom Općinskog vijeća.

Predsjedavajući i zamjenik predsjedavajućeg svoje dužnosti mogu obavljati profesionalno.

Član 50.

Sekretar općinskog vijeća zajedno sa predsjedavajućim i zamjenikom predsjedavajućeg organizuje i priprema sjednice općinskog vijeća, prati izvršavanje zaključaka i drugih akata Općinskog vijeća.

Ostala prava i obaveze sekretara Općinskog vijeća reguliše se poslovníkom Općinskog vijeća.

Član 51.

Općinski načelnik se bira demokratskim putem, na neposrednim i tajnim izborima na cijelom području općine, na način utvrđen zakonom.

Mandat općinskog načelnika traje četiri godine i vezan je za mandat Općinskog vijeća. Prestanak mandata općinskog načelnika prije isteka vremena na koje je izabran i opoziv općinskog načelnika vrši se u skladu sa zakonom.

Član 52.

Općinsko vijeće ima stalna i povremena radna tijela.

Poslovníkom Općinskog vijeća utvrđuju se stalna radna tijela, sastav, broj članova, djelokrug i način rada.

Sastav stalnih radnih tijela predlaže Komisija za izbor i imenovanja, nakon prethodno obavljenih konsultacija sa političkim strankama i koalicijama zastupljenim u općinskom vijeću.

Inicijativu za obrazovanje povremenih radnih tijela, kao što su savjeti, odbori i radne grupe Općinskog vijeća, pokreće predsjedavajući Općinskog vijeća, kao i svaki vijećnik.

Član 53.

Vijećnik u skladu sa odlukom općinskog vijeća ima pravo na naknadu za rad u Općinskom vijeću.

Vijećnik ima pravo na naknadu troškova i izgubljene zarade za rad u Općinskom vijeću ukoliko dostavi dokaze o ostvarivanju naprijed navedenih prava.

Vijećnik ostvaruje pravo na socijalno osiguranje (zdravstveno i penziono) ukoliko to pravo ne ostvaruje po drugom osnovu.

Članovi stalnih i povremenih radnih tijela imaju pravo na naknadu za rad u tim tijelima.

Član 54.

Nespojive su funkcije općinskog načelnika, odnosno općinskog službenika i namještenika sa funkcijom općinskog vijećnika.

Član 55.

Općinsko vijeće nadležno je da:

1. donosi Statut općine,
2. donosi odluke, druge propise i opća akta i daje njihovo autentično tumačenje,
3. donosi poslovnik o svom radu,
4. obrazuje radna tijela i utvrđuje njihove nadležnosti, sastav, broj članova i način rada (savjete, komisije, odbore i dr.), radi stručne obrade i praćenja određenih oblasti u okviru nadležnosti Općinskog vijeća, predlaganja stručnog rješenja u tim oblastima i izuzetno, radi odlučivanja o pitanjima koja su im izričito data u nadležnost,
5. bira, razrješava i smjenjuje predsjedavajućeg, zamjenika predsjedavajućeg i članove radnih tijela Općinskog vijeća,
6. donosi budžet i izvještaj o izvršenju budžeta na prijedlog općinskog načelnika,
7. donosi program razvoja za pojedine djelatnosti za koje je nadležno,
8. donosi programe obnove i prati njihovo ostvarivanje,
9. donosi propise o općinskim pristojbama i na drugi način osigurava potrebna finansijska sredstva u skladu sa zakonom,
10. osniva javna preduzeća i javne ustanove i druga pravna lica za obavljanje privrednih, društvenih, komunalnih i drugih djelatnosti od interesa za općinu,
11. raspisuje referendum,
12. raspisuje javni zajam i samodoprinos i odlučuje o zaduženju Općine,
13. donosi propis o organizaciji i osniva organ uprave,
14. utvrđuje naziv za dijelove naseljenog mjesta,
15. podnosi inicijativu za davanje i izmjenu naziva ulice, trgova, mostova i drugo,
16. obrazuje organ koji u drugom stepenu rješava po žalbama na prvostepena rješenja općinskog načelnika, donesena na osnovu Statuta ili propisa Općinskog vijeća,
17. vrši i druge poslove utvrđene zakonom i Statutom općine.

2. Općinski načelnik

Član 56.

Općinski načelnik je izvršno-upravni organ Općine.

Općinski načelnik zastupa Općinu.

Općinski načelnik odgovoran je Općinskom vijeću za obavljanje poslova iz nadležnosti samoupravnog djelokruga Općine.

Općinski načelnik odgovoran je za zakonito i stručno obavljanje prenesenih poslova kantonalne, odnosno federalne uprave.

Član 57.

Općinski načelnik, u obavljanju poslova iz samoupravnog djelokruga Općine, nadležan je za:

1. sprovođenje općinske politike, izvršenje općinskih propisa i općih akata i izvršenje prenesenih nadležnosti Općini od strane Kantona,
2. imenovanje i smjenjivanje svih općinskih službenika i namještenika,
3. osigurava saradnju općinskih službenika sa ombudsmanima,
4. podnosi prijedlog izvještaja Općinskom vijeću i javnosti o provođenju općinske politike i svojih aktivnosti,
5. obavještava Skupštinu Kantona Sarajevo, odnosno kantonalne organe o izvršavanju kantonalne politike i kantonalnih zakona i drugih propisa i međunarodnih ugovora, kao i o stanju u odgovarajućoj oblasti, kada je izvršenje politike i zakona, odnosno međunarodnih ugovora, povjereno Općini,
6. općinski načelnik svojim propisom može ovlastiti dužnosnika ili djelatnika da potpisuje akte iz redovne djelatnosti jedinstvenog organa uprave, na način i u slučajevima propisanim zakonom.

U obavljanju prenesenih poslova kantonalne uprave, općinski načelnik vrši poslove utvrđene zakonom kojim se uređuje kantonalna uprava.

Član 58.

Općinskog načelnika za vrijeme privremene odsutnosti ili spriječenosti da obavlja svoju dužnost zamjenjuje dužnosnik ili djelatnik općinskog organa uprave kojeg on ovlasti.

U slučaju prestanka mandata ili opoziva općinskog načelnika, do ponovnog izbora dužnost vrši osoba izabrana od Općinskog vijeća nadpolovičnom većinom od ukupnog broja izabranih vijećnika.

Član 59.

Općinski načelnik odgovara za ustavnost i zakonitost akata koje donosi u okviru svoje nadležnosti, odnosno koje predlaže Općinskom vijeću.

3. Savjet općinskog načelnika

Član 60.

Radi izvršavanja poslova iz nadležnosti općinskog načelnika može se osnovati Savjet općinskog načelnika.

Član 61.

Savjet općinskog načelnika pomaže općinskom načelniku u donošenju, pripremanju i izvršenju odluka i drugih akata iz njegove nadležnosti i vrši i druge poslove utvrđene Statutom i drugim propisima Općine.

Član 62.

Sastav i broj članova Savjeta općinskog načelnika utvrđuje općinski načelnik svojim aktom.

Član 63.

Općinsko vijeće može osnovati stručnu službu vijeća i općinskog načelnika za vršenje stručnih, administrativnih i drugih poslova neophodnih za rad vijeća, njegovih tijela, vijećnika u vijeću i općinskog načelnika, a na prijedlog općinskog načelnika.

5. Općinske službe za upravu

6.

Član 64.

Za obavljanje poslova iz svoje nadležnosti, poslova lokalne samouprave i upravnih poslova iz samoupravnog djelokruga Općine, kao i prenesenih poslova kantonalne uprave, općinski načelnik organizuje općinske službe za upravu.

Općinski načelnik sa službama za upravu obavlja poslove uprave iz samoupravnog djelokruga Općine i poslove kantonalne uprave koji su kantonalnim zakonom preneseni na općinu, u okviru jedinstvenog općinskog organa uprave.

Odluku o obrazovanju jedinstvenog organa uprave donosi Općinsko vijeće na prijedlog općinskog načelnika.

Član 65.

Zakonom kojim se prenose poslovi kantonalne uprave, bliže se uređuju prava i dužnosti organa uprave Općine u obavljanju prenesenih poslova, kao i način vraćanja kantonu prenesenih poslova kantonalne uprave.

Općinski načelnik obavezan je organizovati službe za upravu za obavljanje prenesenih poslova kantonalne uprave u skladu sa zakonom kojim se uređuje kantonalna uprava.

Član 66.

Jedinstvenim organom uprave rukovodi općinski načelnik.

Radom pojedine općinske službe za upravu rukovodi pomoćnik općinskog načelnika.

Pomoćnik općinskog načelnika za svoj rad i rad službe kojom rukovodi odgovoran je općinskom načelniku.

Član 67.

Pomoćnike načelnika imenuje općinski načelnik, na način propisan zakonom.

Općinski načelnik imenuje i smjenjuje općinske službenike i namještenike, na osnovu javnog konkursa, odnosno oglasa, u skladu sa zakonom.

Član 68.

Unutrašnja organizacija općinskih službi za upravu uređuje se Pravilnikom o unutrašnjoj organizaciji, u skladu sa Zakonom o organizaciji organa uprave u Federaciji Bosne i Hercegovine.

Pravilnikom o unutrašnjoj organizaciji općinskih službi za upravu bliže se utvrđuje djelokrug službe, organizacione jedinice, nadležnost, sistematizacija radnih mjesta, stručna sprema, radno iskustvo, broj izvršioca, obaveznost stručnog ispita i druga pitanja bitna za organizaciju i rad općinskih službi za upravu.

Pravilnik o unutrašnjoj organizaciji donosi općinski načelnik.

Na dio pravilnika koji se odnosi na prenesene poslove kantonalne uprave, općinski načelnik dužan je pribaviti saglasnost Vlade Kantona Sarajevo.

Član 69.

Općinske službe za upravu u skladu sa zakonom i ovim Statutom obavljaju slijedeće upravne i druge stručne poslove:

1. izvršavaju općinske propise i druge opće akte iz samoupravnog djelokruga Općine, pripremaju informativne i analitičke izvještaje, analize,
2. rješavaju u upravnom postupku o pravima, obavezama i pravnim interesima građana i pravnih lica iz samoupravnog djelokruga Općine,
3. obavljaju nadzor nad djelatnošću javnih preduzeća i ustanova na osnovu javnih ovlaštenja utvrđenih propisima Općine,
4. daju inicijative za rješavanje određenih pitanja iz samoupravnog djelokruga Općine,
5. pripremaju nacрте i prijedloge općinskih propisa i drugih općih akata iz svoje nadležnosti,
6. pripremaju nacрте pojedinačnih upravnih akata,
7. obavljaju i druge poslove određene ovim Statutom i općinskim propisima.

Pored poslova iz stava 1. ovog plana općinske službe za upravu obavljaju i prenesene poslove kantonalne uprave.

Član 70.

Rad općinskih službi za upravu je javan.

Općinske službe za upravu samostalno obavljaju poslove iz svoje nadležnosti i za svoj rad odgovorne su Općinskom vijeću i općinskom načelniku.

Član 71.

Radi obavljanja određenih poslova iz nadležnosti općinskih službi za upravu mogu se za jedno ili više naseljenih mjesta osnivati mjesni uredi izvan sjedišta općinskih službi za upravu.

Mjesne urede osniva Općinsko vijeće na prijedlog općinskog načelnika.

Član 72.

Odlukom o osnivanju mjesnih ureda određuje se nadležnost, sjedište, područja, broj izvršioca i nadzor nad obavljanjem poslova iz nadležnosti tog ureda.

Odluku o osnivanju mjesnih ureda, Općinsko vijeće donosi dvotrećinskom većinom glasova izabranih općinskih vijećnika.

Član 73.

U odluci o osnivanju mjesnih ureda u utvrđivanju nadležnosti naročito se predviđaju poslovi vođenja matičnih knjiga i obavljanje matične službe, ovjeravanje prepisa raznih isprava, izdavanje uvjerenja ili potvrda o činjenicama o kojima se vode službene evidencije kod općinskih službi za upravu, primanje molbi i drugih podnesaka koje građani upućuju općinskim službama za upravu, dostave raznih pisama građanima i drugi poslovi od neposrednog interesa za ostvarivanje prava i obaveza građana kod općinskih službi za upravu.

Član 74.

Sredstva za rad općinskih službi za upravu i mjesnih ureda obezbjeđuju se iz budžeta Općine.

VI MJESNA SAMOUPRAVA (MJESNA ZAJEDNICA)

Član 75.

Mjesna samouprava podrazumjeva pravo građana da neposredno učestvuju u odlučivanju o određenim lokalnim poslovima.

1. Mjesne zajednice i organi mjesne zajednice

Član 76.

Mjesna zajednica se osniva kao oblik neposrednog učestvovanja građana u odlučivanju o lokalnim poslovima.

Mjesnu zajednicu svojom odlukom osniva općinsko vijeće.

Mjesna zajednica osniva se za jedno naseljeno mjesto, više međusobno povezanih manjih naselja ili za dio većeg naselja, koji u odnosu na ostale dijelove čini zasebnu razgraničenu cjelinu.

Odlukom o osnivanju mjesnih zajednica ustanovljavaju se podružnice kao organizacioni oblici, a njihova nadležnost i organi se utvrđuju statutom mjesne zajednice.

Član 77.

Prijedlog za osnivanje mjesne zajednice mogu dati najmanje 10% birača sa popisa birača područja za koje se predlaže osnivanje mjesne zajednice, udruženja građana sa tog područja, Općinsko vijeće i općinski načelnik.

Član 78.

Prijedlog o osnivanju mjesne zajednice smatra se prihvaćenim, ako je za prijedlog glasala nadpolovična većina svih birača upisanih u popis birača naseljenih mjesta za čije područje se predlaže osnivanje mjesne zajednice.

Na zboru građana, koji je usvojio prijedlog o osnivanju mjesne zajednice, bira se osnivački odbor od tri do pet članova koji će pripremiti prihvaćeni prijedlog i uputiti ga na razmatranje Općinskom vijeću.

Član 79.

Općinsko vijeće dužno je u roku od 60 dana donijeti stav o provedenoj proceduri, pravnoj valjanosti i osnovanosti pokrenutog prijedloga, materijalnim i ostalim uslovima za funkcionisanje mjesne samouprave, na osnovu čega donosi odluku o osnivanju mjesne zajednice.

Općinsko vijeće donosi odluku o osnivanju mjesne zajednice ako se za prijedlog izjasni dvije trećine izabranih općinskih vijećnika.

Član 80.

Mjesna zajednica ima svojstvo pravnog lica u pogledu prava i obaveza utvrđenih zakonom i ovim statutom.

Član 81.

Mjesna zajednica ima statut mjesne zajednice.

Statut mjesne zajednice usvajaju građani na svom zboru, većinom glasova građana upisanih u popis birača naseljenih mjesta za koje se osniva mjesna zajednica.

Član 82.

Statutom mjesne zajednice u skladu sa zakonom i ovim statutom, uređuje se sadržaj poslova mjesne zajednice, organi mjesne zajednice, način izbora i opoziva, nadležnost organa mjesne zajednice, postupak provođenja lokalnog referenduma, odnos prema općini i njenim organima, utvrđuje naziv i teritorijalni obuhvat područnica.

Član 83.

Organi mjesne zajednice su:

1. Zbor građana,
2. Savjet mjesne zajednice.

Član 84.

Zbor građana u okviru svojih nadležnosti može punovažno odlučivati ako je na zboru prisutno najmanje trideset građana koji imaju biračko pravo, a upisani su u birački spisak te mjesne zajednice, osim ako ovim statutom nije drugačije određeno.

Zbor građana odlučuje većinom prisutnih članova neposredno ili tajnim glasanjem što se utvrđuje na zboru.

Član 85.

Savjet mjesne zajednice je izvršno tijelo mjesne zajednice.

Broj članova savjeta mjesne zajednice ne može biti manji od pet ni veći od devet, zavisno od veličine područja, ekonomske razvijenosti i broja stanovnika svakog naselja na području mjesne zajednice.

Član 86.

Savjet mjesne zajednice biraju građani koji žive na području mjesne zajednice, neposrednim i tajnim glasanjem.

U savjet mjesne zajednice izabrani su kandidati koji dobiju najveći broj važećih glasova birača koji glasaju.

Izbori u mjesnim zajednicama održavaju se prve subote u aprilu, osim ako se ovaj datum podudara sa obilježavanjem jednog od vjerskih praznika, pri čemu se održavanje izbora pomjera za prvu subotu u kojoj se ne obilježava ni jedan od vjerskih praznika.

Uslovi, način kandidiranja i održavanja kao i raspisivanje prvih narednih izbora utvrdit će se posebnim odlukama općinskog vijeća.

Mandat članova savjeta mjesne zajednice traje četiri godine.

Ukoliko prestane mandat člana savjeta zbog ostavke ili nekog drugog razloga popuna se vrši sa liste kandidata koji su dobili najveći broj glasova na izborima.

Član 87.

Savjet mjesne zajednice donosi svoj program rada, finansijski plan i završni račun, kao i poslovnik o svom radu.

Savjet mjesne zajednice priprema pravila mjesne zajednice i program rada mjesne zajednice.

Član 88.

Predsjednik savjeta mjesne zajednice je kandidat koji dobije najviše broj glasova za izbor u savjet mjesne zajednice, čiji mandat je vezan za mandat savjeta mjesne zajednice i traje četiri godine, a ukoliko taj kandidat ne prihvati mandat, predsjednik je naredni kandidat koji je osvojio najveći broj glasova.

Ovaj princip se primjenjuje sve dok se ne dodijeli mandat predsjednika savjeta mjesne zajednice.

Ukoliko prestane mandat predsjednika savjeta zbog podnesene ostavke ili bude razriješen dužnosti u skladu sa članom 94. ovog statuta, dužnost predsjednika savjeta preuzima naredni kandidat koji je osvojio najveći broj glasova na izborima i njegov mandat traje do isteka mandata savjeta.

Član 89.

Savjet mjesne zajednice za svoj rad odgovoran je Općinskom vijeću i zboru građana.

Predsjednik savjeta mjesne zajednice odgovoran je savjetu mjesne zajednice.

Predsjednik savjeta mjesne zajednice predstavlja mjesnu zajednicu, saziva i predsjedava sjednicama savjeta, brine se o izvršenju programa rada, finansijskog plana i dr.

Član 90.

Stručno-administrativne poslove za mjesne zajednice obavlja uposlenik ili uposlenici jedinstvenog općinskog organa uprave u skladu sa aktom o unutrašnjoj organizaciji.

Član 91.

Savjet mjesne zajednice saziva zborove građana mjesne zajednice radi raspravljanja o određenim potrebama i davanje prijedloga za rješavanje pitanja od mjesnog značaja.

Način sazivanja zborova građana, način rada i odlučivanje, izbor predsjedavajućeg zbora građana, bliže se uređuje statutom mjesne zajednice.

2. Nadležnost mjesne zajednice

Član 92.

Mjesna zajednica nadležna je za:

1. izgrađivanje i održavanje puteva, kanalizacije, vodovoda i drugih komunalnih potreba,
2. uređenja naselja, izgrađivanje i održavanje parkova, dječijih igrališta, sportskih objekata i sl.,
3. čišćenje javnih površina, odvoz smeća i zaštita okoline,
4. izgradnja i održavanje grobalja,
5. obavljanje i drugih lokalnih poslova od interesa za život i rad građana u mjestu sanovanja.

3. Sredstva mjesne zajednice

Član 93.

Sredstva za zadovoljavanje potreba i interesa građana u mjesnoj zajednici obrazuju se od:

1. sredstava građana, koja oni udružuju putem samodoprinosu ili na drugi način,
2. naknada za usluge i drugih prihoda koje svojim aktivnostima ostvaruje mjesna zajednica,
3. prihode koje općina ustupa mjesnoj zajednici, prema usvojenim planovima razvoja mjesnih zajednica, odnosno općine,
4. poklona i donacija koje ostvari mjesna zajednica.

4. Nadzor nad mjesnom samoupravom

Član 94.

Nadzor nad zakonitošću rada organa mjesne zajednice obavlja Općinsko vijeće.

Općinsko vijeće ima pravo da raspusti savjet mjesne zajednice ili da razriješi dužnosti predsjednika savjeta mjesne zajednice, ako se utvrdi da rade suprotno zakonu, ovom Statutu ili statutu mjesne zajednice i drugim pozitivnim propisima.

VII SARADNJA SA DRUGIM OPĆINAMA

Član 95.

U obavljanju poslova iz samoupravnog djelokruga, Općina ostvaruje saradnju sa drugim općinama, a prvenstveno sa susjednim općinama.

Saradnja iz stava 1. ovog člana, planira se i ostvaruje u svim poslovima, koji su od njihovog zajedničkog interesa.

Saradnju sa drugim općinama, u skladu sa odredbama stava 1. i 2. ovog člana ostvaruje Općinsko vijeće, odnosno općinski načelnik, svako u pitanjima iz svog djelokruga.

Član 96.

Općina se može udruživati u zajednicu općina za određeno područje, u Savez općina Federacije Bosne i Hercegovine, a može pristupati i međunarodnim udruženjima lokalnih zajednica i sarađivati s odgovarajućim lokalnim jedinicama drugih država, u skladu sa zakonom.

Odluku o saradnji i udruživanju iz prethodnog stava donosi Općinsko vijeće.

VIII IMOVINA OPĆINE I FINANSIRANJE LOKALNE SAMOUPRAVE

1. Imovina općine

Član 97.

Imovinu Općine čine sve pokretne i nepokretne stvari, koje joj pripadaju u skladu sa zakonom, kao što su zgrade i drugi objekti u kojima su smješteni općinski organi vlasti i druga imovina i prava koja pripadaju toj imovini.

Imovinom u vlasništvu Općine, mora se upravljati po načelima dobrog domaćina, o čemu se staraju svi organi vlasti u Općini.

O sticanju, otuđivanju ili davanju u zakup imovine u vlasništvu Općine, odlučuje Općinsko vijeće samostalno ili na prijedlog općinskog načelnika.

Član 98.

Općinsko vijeće može, u oblasti poslova iz samoupravnog djelokruga Općine, osnovati javno preduzeće ili javnu ustanovu, u skladu sa zakonom, ako to nalažu opće potrebe.

Aktom o osnivanju javnog preduzeća, odnosno javne ustanove propisuje se način upravljanja preduzećem, odnosno ustanovom, prava osnivača, korištenje ostvarene dobiti i druge obaveze preduzeća, odnosno ustanove prema Općini.

Član 99.

Općini pripadaju prihodi za obavljanje njenih dužnosti i ovlaštenja, u skladu sa zakonom i propisima kantona.

Općini pripadaju prihodi u skladu sa propisima kantona.

Prihodi općine su naročito:

- prihodi od nepokretnih i pokretnih stvari u vlasništvu Općine,
- prihodi od preduzeća i drugih pravnih lica u vlasništvu općine, kao i prihodi od koncesija koje odobrava Općina,
- prihodi od prodaje pokretnih i nepokretnih stvari u vlasništvu Općine,
- pokloni, nasljedstva i legati,
- općinski porezi i takse, čije stope, u granicama određenim zakonom, utvrđuje samostalno,
- pomoći i dotacije,
- naknada troškova iz budžeta kantona za obavljanje poslova kantonalne urave, koji su preneseni na općinu,
- drugi prihodi utvrđeni zakonom.

Radi zadovoljavanja potreba građana, sredstva se mogu prikupljati na osnovu neposrednog izjašnjavanja građana, u skladu sa zakonom i ovim Statutom.

2. Finansiranje lokalne samouprave

Član 100.

Općina ima budžet u kome se iskazuju prihodi i rashodi.

Budžet se izrađuje na način predviđen zakonom i donosi se za jednu kalendarsku godinu.

Po isteku godine, za koju je budžet donesen, sastavlja se završni račun i izvještaj o izvršenju budžeta.

O izvršenju općinskog budžeta neposredno je odgovoran općinski načelnik.

Ukoliko se godišnji budžet za narednu godinu ne može donijeti prije početka godine za koju se donosi, vodi se privremeno finansiranje i to najduže za period od tri mjeseca.

Budžet, kao i odluku o privremenom finansiranju donosi Općinsko vijeće, u skladu sa zakonom, na prijedlog općinskog načelnika.

Član 101.

Općinski načelnik je neposredno odgovoran Općinskom vijeću za pravilno i zakonito izvršenje akata iz prethodnog člana.

Član 102.

Općina samostalno raspolaže prihodima koji joj pripadaju i može se zaduživati i zaključivati ugovore o kreditu, o čemu odluku donosi Općinsko vijeće.

Član 103.

Općinsko vijeće u okviru svoje nadležnosti obavlja poslove nadzora nad materijalnim i finansijskim poslovanjem organa izvršne vlasti Općine.

IX PROPISI I DRUGI AKTI OPĆINE

1. Propisi i drugi akti općinskog vijeća

Član 104.

Općinsko vijeće donosi Statut općine, općinske propise (u daljem tekstu: Odluke), budžet, izvještaj o izvršenju budžeta, poslovnik Općinskog vijeća i zaključke, daje autentična tumačenja propisa koje donosi i utvrđuje njihov prečišćeni tekst.

Poslovníkom Općinskog vijeća bliže se utvrđuje sadržaj i način pripremanja i donošenja općinskih propisa i drugih akata Općine i način njihovog objavljivanja.

Rješenje iz oblasti iz imovinsko pravnih propisa koje je Općinsko vijeće razmatralo i odbilo može biti ponovo predloženo Općinskom vijeću na razmatranje nakon isteka roka od šest mjeseci.

Propisi i opći akti organa Općine moraju biti u saglasnosti sa ustavom, a ne smiju biti u suprotnosti sa zakonom ili ovim Statutom.

Član 105.

Općinsko vijeće donosi rješenja i zaključke, kao pojedinačne akte.

Rješenje donosi kad vrši imenovanje, postavljanje i razrješenje, odnosno smjenjivanje i o drugim pojedinačnim pitanjima iz svoje nadležnosti.

Zaključkom utvrđuje stavove o provođenju utvrđene politike i općinskim propisima, zadacima za općinskog načelnika ili općinsku službu za upravu prilikom razmatranja pitanja iz njihovog djelokruga o kojim se ne odlučuje rješenjem.

Općinsko vijeće odlučuje da se nacrt odluke stavi na javnu raspravu zaključkom. Zaključkom se utvrđuje na koji način će se sprovesti javna rasprava, rok za sprovođenje javne rasprave i način prikupljanja i sređivanja prijedloga i mišljenja iz javne rasprave.

Javna rasprava o nacrtima općih akata organizuje se na zborovima građana u mjesnim zajednicama, političkim organizacijama općine i udruženjima građana.

2. Akti općinskog načelnika

Član 106.

Općinski načelnik osigurava izvršenje svih zakonskih propisa kao i propisa općine na način i u postupku propisanom zakonom i ovim Statutom.

Član 107.

Općinski načelnik, u izvršavanju propisa i općih akata iz samoupravnog djelokruga Općine donosi uredbе, naredbe, pravilnike, uputstva i pojedinačne akte kojim rješava o pravima, obavezama i pravnim interesima fizičkih i pravnih lica u prvom stepenu.

Protiv upravnih akata općinskog načelnika, donesenih u prvom stepenu na osnovu Statuta ili propisa Općinskog vijeća rješava nadležni organ koji obrazuje Općinsko vijeće.

Član 108.

Općinski načelnik, u prenesenim poslovima kantonalne uprave, rješava u upravnim stvarima, u prvom stepenu.

Protiv upravnih akata općinskog načelnika iz prethodnog stava, u drugostepenom postupku rješava nadležno kantonalno ministarstvo.

3. Objavljivanje i stupanje na snagu propisa i drugih općih akata

Član 109.

Općinski propisi se objavljuju u «Služenim novinama Kantona Sarajevo».

Član 110.

Općinski propisi stupaju na snagu kao što je u njima propisano, ali ne prije dana objavljivanja u «Službenim novinama Kantona Sarajevo».

Član 111.

Odluke i drugi opći akti ne mogu imati povratno dejstvo.

X NADZOR I ZAŠTITA LOKALNE SAMOUPRAVE

Član 112.

Nadzorom se štiti i podržava pravo građana na lokalnu samoupravu na području općine.

Nadzor nad ostvarivanjem lokalne samouprave i nad radom organa Općine vrše nadležni kantonalni organi na način i po postupku koji je predviđen ustavom i zakonom.

Član 113.

Zaštita prava građana na lokalnu samoupravu na području Općine obuhvata naročito:

1. pravo građana da putem referendumu i drugih oblika odlučivanja ličnim izjašnjavanjem i preko slobodno izabраниh predstavnika odlučuje o poslovima lokalnog značaja,
2. prava građana na samoorganizovanje,
3. prava građana da budu konsultovani o svim pitanjima kojim se regulišu prava i obaveze Općine,
4. prava građana da na zborovima građana razmatraju i daju mišljenje u slučajevima kada kanton želi prenijeti pojedine poslove Općini iz okvira svoje nadležnosti.

XI JAVNOST RADA

Član 114.

Rad svih organa općine i mjesnih zajednica je javan.

Član 115.

Javnost rada organa općine obezbjeđuje se:

- javnim održavanjem sjednica,
- informisanjem putem sredstava javnog informisanja,
- objavljivanjem donesenih akata u «Službenim novinama Kantona Sarajevo».

Član 116.

Javnost rada organa Općine i mjesnih zajednica može se ostvariti i na drugi način što se utvrđuje poslovnikom odnosno pravilnikom o radu tih organa.

XII DONOŠENJE I PROMJENA STATUTA

Član 117.

Statut općine donosi Općinsko vijeće dvotrećinskom većinom glasova ukupnog broja izabраниh vijećnika.

Član 118.

O promjeni ovog Statuta odlučuje Općinsko vijeće.

Prijedlog da se pristupi promjeni Statuta općine može podnijeti jedna trećina članova Općinskog vijeća, kao i općinski načelnik.

Inicijativu za promjenu statuta Općine, mogu dati građani putem mjesnih zborova, u obliku građanske inicijative.

Obrazložen prijedlog, odnosno inicijativa dostavlja se predsjedavajućem Općinskog vijeća u pismenoj formi.

Član 119.

O prijedlogu, odnosno inicijativi da se pristupi promjeni Statuta općine nakon raspravljanja odlučuje Općinsko vijeće dvotrećinskom većinom glasova izabраниh vijećnika.

Prihvaćeni prijedlog, odnosno inicijativa za promjenu Statuta dostavlja se svim članovima Općinskog vijeća, mjesnim zajednicama i političkim strankama koje djeluju na području općine na davanje primjedbi i prijedloga.

Nakon sprovedene javne rasprave komisija nadležna za statut utvrđuje prijedlog promjene Statuta općine.

Izmjene i dopune Statuta općine, vrše se odlukom Općinskog vijeća za koju su potrebne dvije trećine glasova izabраниh vijećnika.

Član 120.

Ako prijedlog za promjenu Statuta ne bude prihvaćen, isti se ne može ponovo razmatrati na sjednici Općinskog vijeća, prije isteka šest mjeseci od dana razmatranja.

Član 121.

Općinsko vijeće može odlučiti da se promjena Statuta općine izvrši po postupku koji važi za donošenje drugih opštih akata, ako se promjene odnose na organizaciju Općinskog vijeća ili ako se radi o usklađivanju odredaba Statuta sa zakonom i drugim propisima.

XIII ZAVRŠNE ODREDBE

Član 122.

Danom stupanja na snagu Statuta općine Ilijaš, prestaje da važi Statutarna odluka o organizaciji općine Ilijaš u skladu sa Ustavom Federacije Bosne i Hercegovine («Službene novine Grada Sarajeva», broj 2/96).

Član 123.

Nakon provedene procedure Općinsko vijeće donosi odluku kojom konstatuje da je Statut Općine Ilijaš donesen.

Član 124.

Ovaj Statut stupa na snagu danom objavljivanja u «Službenim novinama Kantona Sarajevo».